



Kommuneqarfik Sermersuumi Nunaqarfinni Aqutsisut suleriaasissaat

Nunaqarfinni aqutsisut inissitsiternerat

§ 1. Qinersineq pillugu naammagittaalliuutaasinnaasut aamma ilaasortat qinigaasinnaanerat pillugu Qinigaasinnaasutsimut ataatsimiititaliaq misissuereerpat Qinersinermik siulersuisut aalajangiinerisa kingorna nunaqarfinni aqutsisutut nutaamik qinigaasut inissitsiternerusumik ataatsimiissapput. Ilaasorta q sivisunerpaamik nunaqarfimmi aqutsisuni ilaasortaasimasoq imaluunniit arlallit sivisoqatigiimmik sivisunerpaamik ilaasortaasimappata taakkunani ukioqqortuneq allakkatigut ataatsimiigiaqqusissaaq.

Imm. 2. Nunaqarfinni aqutsisut siulittaasussaannik qinersinissap tungaanut ataatsimiinneq inissitsiternerusumik ataatsimiinnissamut ataatsimiigiaqqusisup taassumalluunniit najuutiginninnerani ilaasortani najuuttuni sivisunerpaamik nunaqarfinni aqutsisuni ilaasortaasimasup imaluunniit arlallit sivisoqatigiimmik sivisunerpaamik ilaasortaasimasut ukioqqortunersaata ataatsimiinneq aqussavaa.

Imm. 3. Nunaqarfinni aqutsisut piginnaatitaaffiliisinnaatitaangillat.

Nunaqarfinni aqutsisunut siulittaasumik siulittaasullu tullianik qinersinerit

§ 2. Inissitsiternerusumik ataatsimiinnermi nunaqarfinni aqutsisut aallarniutaasumik nunaqarfinni aqutsisunut siulittaasumik aamma siulittaasup tullianik ilaasortamik akornanni qinersissapput.

Imm. 2. Qinigassanngortittoq amerlanerpaanik taagorneqartoq (ilaasortat najuuttut affaasa sinneqartut taasinerat) nunaqarfinni aqutsisunut siulittaasutut qinigaassaaq. Qinigassanngortittut arlaannaalluunniit amerlanerussuteqanngippat nutaamik qinersisoqassaaq. Qinersineq tamanna aamma amerlanerussuteqartitsinngippat qinigassanngortittut marluk akornanni aappassaannik qinersinermi amerlanerpaanik taagorneqartunik pingajussaannik qinersisisoqassaaq. Tassani taasinerit amerlaqatigiippata qinersineq makitsinikkut aalajangerneqassaaq.

Imm. 3. Nunaqarfinni aqutsisuni siulittaasumut qinigaasoq nunaqarfinni aqutsisut qinigaaffiani tamarmi siulittaasuusaaq, tassa imaappoq kommunalbestyrelsip qinigaaffiani tamarmi.

§ 3. Nunaqarfinni aqutsisuni ilaasortat tamarmik nunaqarfinni aqutsisuni siulittaasutut siulittaasullu tulliatut qinigaanitik akuerisussaataavaat.

Imm. 2. Nunaqarfimmi aqutsisut, qinnuteqaateqartoqarnerata kingorna, nunaqarfinni aqutsisut siulittaasuat aamma siulittaasup tullia qinigaaffiup sinnerani suliunnaarsissinnaavaat.

Imm. 3. Nunaqarfinni aqutsisut siulittaasooq siulittaasulluunniit tullia suliunnaarpat, toqukkut qimaguppat imaluunniit nunaqarfinni aqutsisunit tunuarpat § 2-mi malittarisassat naapertorlugit nunaqarfinni aqutsisut qinigaaffiata sinnerani atuuttussamik nutaamik qinersisoqassaaq.

§ 4. Nunaqarfinni aqutsisuni siulittaasup tullianik qinersinermi § 2, imm. 2-3-mi malittarisassat naapertorlugit aamma taasinnikkut qinersisoqassaaq.



Imm. 2. Nunaqarfinni aqutsisut siulittaasuata najuutinnginnerani nunaqarfinni aqutsisuni siulittaasup tullia siulittaasutut atuutissaaq.

Nunaqarfinni aqutsisut ataatsimiittarnerat

§ 5. Nunaqarfinni aqutsisut ataatsimiittarnerat kikkunnut tamanut ammasuupput, ataatsimiiffiissallu ullulerneqarneri tamanut saqqummiunneqartassapput. Suliassalli ataasiakkaat matoqqasumik ataatsimiissutigineqarnissaat nunaqarfinni aqutsisut aalajangersinnaavaat. Suliassat tamanut saqqummiunneqarnerisigut inunnik ajoqusiisinnaasut, assersuutigalugu suliffeqarfinnit neqeroorutit pissarsiarineqartut, pineqarput.

Imm. 1. Suliassaq matoqqasumik ataatsimiissutigissallugu tunngavissiinersoq pillugu nunaqarfinni aqutsisuni siulittaasup imaluunniit siulittaasup tulliaata aalajangiineratigut ataatsimiinneq sioqqullugu matoqqasumik ataatsimiissuttoqassaaq.

Imm. 2. Suliassat matoqqasumik ataatsimiissutigineqartussat sapinngisamik kingulliunneqartassapput.

Imm. 3. Ataatsimiinnerni matoqqasuni najuuttut tamarmik nipangiussisimasussaataapput.

Imm. 4. Kinaluunniit pissuserissaarluni eqqissiviillioortitsinanilu nunaqarfinni aqutsisut ataatsimiinneranni najuussinnaatitaavoq. Tusarnaartut ilaata isumaqatiginninniarnit akornusersorpagit pineqartoq nunaqarfinni aqutsisuni siulittaasumit anisinneqarsinnaavoq, imaluunniit pisariaqassappat ataatsimiinnermi tusarnaartut tamarmik anisinneqarsinnaapput.

Imm. 5. Nunaqarfinni aqutsisut allattaata ataatsimiinnerit najuuffigissavai, Nunaqarfinni aqutsisut allamik aalajangiisimanngippat. Nunaqarfinni aqutsisut isumaqarpata suliamut tunngatillugu paasisstissiisuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Nunaqarfinni aqutsisut ataatsimeeqataasinnaajunnaarnerat

§ 6. Ilaasortaq nunaqarfinni aqutsisut ataatsimiinnerannut peqataasinnaangikkuni ilaasortap pineqartup ataatsimiinneq sioqqullugu tamanna nunaqarfinni aqutsisuni siulittaasumut nalunaarutigissavaa, sinniisussarlu ataatsimiigiaqquneqassaaq. Ataatsimiinnerni tamani aalajangiinerit pillugit imaqarniliani ilaasortaq sorleq najuutinnginnersoq allanneqartassaaq, sinniisussallu kikkut ataatsimeeqataasimanersut.

Imm. 1. Naartunermut, meerartaarnermut meeravissiarnermulluunniit atatillugu peqataanginneq pissutissaqarluni peqataanginneruvoq. Nunaqarfinni aqutsisut allatigut aalajangertassavaa qaqugukkut pissutissaqarluni peqataasoqanginnersoq.

Imm. 2. Nunaqarfinni aqutsisuni ilaasortaq sulinngiffeqangippat ilaasortap pineqartup akissarsiai peqataangiffiata sivisussusianut naapertuuttumik ilanngaaffigineqassasut Nunaqarfinni aqutsisut aalajangersinnaavaat. Akissarsiaritippallaarsimasut isumaqatigiissuteqarnikkut sivisunerpaamik qaammatinut pingasunut agguarlugit akilersorneqarnissaat isumaqatigiissutigineqarsinnaavoq.



Oqaluuserisassanik nassitsiortornerit suliassallu saqqummiunneqartarnerat

§ 7. Ileqquusumik ataatsimiinnissaq ulluinnarnik sisamanik sioqqullugu nunaqarfinni aqutsisuni siulittaasup oqaluuserisassat immikkoortullu pillugit paasisutissat pisariaqartinneqartut ataatsimiinnermilu oqaluuserineqartussat nassiunneqarnissaat isumagissavaa.

Imm. 2. Suliassaq oqaluuserisassanut ilanngunneqarpat suliassap nalilerneqarnissaanut atortussat pisariaqartinneqartut nunaqarfimmi aqutsisut allaffiani pissarsiarineqarsinnaassapput. Suliassat pillugit allattukkat aamma saqqummitineqassapput.

Imm. 3. Immikkut ittumik ataatsimiinnissamut ataatsimiigiaqqusinermi nunaqarfinni aqutsisuni siulittaasup sapinngisaq tamaat ilaasortat suliassat ataatsimiinnermi oqaluuserineqartussat pillugit ilisimatissavai.

Aalajangiissinnaassuseq, ataatsimiinnermik aqutsineq suliassallu saqqummiunneqartarnerat

§ 8. Nunaqarfinni aqutsisut ataatsimiinnerni atuuttarput. Ilaasortat ikinnerpaamik affaat ataatsimiinnermi najuuppata nunaqarfinni aqutsisut aalajangiisinnaatitaapput.

Imm. 2. Siulittaasup pissuserissaartumik eqqissimasumillu ataatsimiinnerit isumaqatiginniarnerillu aqussavai. Aammattaaq immikkoortut taasissutigineqartussaasut siulittaasup oqaaseqatigiiliussavai.

§ 9. Nunaqarfinni pissutsit pillugit nunaqarfinni aqutsisut kommunalbestyrelsimut inassuteqaateqarsinnaapput. Nunaqarfinni pissutsit pillugit nunaqarfinni aqutsisut kommunalbestyrelsimut oqaaseqaatinik tunniussisussaataapput.

Imm. 2. Nunaqarfinni pissutsit pillugit nunaqarfinni aqutsisut sapinngisamik kommunalbestyrelsimut tusarniarneqartassapput.

Imm. 3. Kommunimi ingerlatsiviit nunaqarfinni suliassanut akisussaasuupput, tassunga ilanngullugu sulisoqarnermut akisussaaffik. Ingerlatsiviit nunaqarfimmi aqutsisunik qanimut suleqateqarput.

§ 10. Nunaqarfinnut aningaasaliissutit aqunneqarnerat aammalu aningaasaliissutinut oqartussaaffiginninnernut tunngasuni Nunaqarfinni aqutsisut aalajangiisinnaatitaapput. Oqartussaaffiginninnerli Aningaasaqarnermut ataatsimiititamit akuerineqassaaq.

Imm. 2. Suliassaqarfinni tullinnguuttuni makkunani ataatsimi arlalinniluunniit nunaqarfinnut aningaasaliissutinut nunaqarfinni aqutsisut oqartussaaffiginnittuupput:

- 1) Kulturimut inunnillu paasisitsiniaanermut
- 2) Timersornermut tunngasunut
- 3) Teknikkikkut ingerlatsivinnut pilersuinerullu
- 4) Nunaqarfinni inuussutissarsiutinut tunngasunik illoqarfimmi suliniutit
- 5) Isumaginninnermi suliassanut

§ 11. Ataatsimiinnerup aallartinnerani ilaasortaq oqaluuserisassat pillugit oqaaseqarumasinnaavoq.



Ilaasortat isumaqatiginninniarnerni taasinernilu peqataasarnerat

§ 12. Pissutsit ilaasortap peqataasinnaaneranut nalornissutaasut pillugit ilaasortaq nunaqarfinni aqutsisuni siulittaasumut ilisimatitsissaaq.

Imm. 2. Ilaasortaq suliassami ima soqutigisaqartigippat allaat ilaasortaq nunaqarfinni aqutsisut suliassami isumaqatiginninniarnerni taasinernilu peqataasinnaanersooq pillugu nunaqarfinni aqutsisuni siulittaasooq aalajangiissaaq. Taamaattoqassappat ilaasortap pineqartup suliassamik saqqummiussisoqarnerani, isumaqatiginninniartoqarnerani taasisoqarneranilu ini ataatsimiiffiusooq qimassavaa.

Imm. 3. Kinaluunniit nunaqarfinni aqutsisut allaffiani atorfilik nunaqarfinni aqutsisuni ilaasortaasinnaanngilaq.

§ 13. Nunaqarfinni aqutsisuni ilaasortap kialluunniit ataatsimiinnermi apeqqummik kommunalbestyrelsimut imaluunniit kommunimi ataatsimiititamut taakku sinnerlugit nunaqarfinni aqutsisut aalajangiiffigisimasaanik saqqummiusserusulluni nalunaaruteqartup nunaqarfinni aqutsisut aalajangiiniarnerat unitsissinnaavaa.

§ 14. Ilaasortat namminneq ataatsimiinnermi peqataagunik aatsaat nunaqarfinni aqutsisut taasinerni peqataasinnaapput.

Imm. 2. Nunaqarfinni aqutsisut isumaqatiginninniarnerni taasinernilu nunaqarfinni aqutsisunut ilaasortaq telep attaveqarnermut teknologia atorlugu, tamanna pillugu Aqutsinermut inatsimmi malittarisassat takukkit, peqataasinnaavoq. Ilaasortarli mobiltelefonu atorlugu peqataasinnaanngilaq.

§ 15. Nunaqarfinni aqutsisut ataatsimiinnermini aalajangiinerat aalajangiinerit pillugit imaqarniliamut nunaqarfinni aqutsisuni siulittaasumut imaluunniit nunaqarfinni aqutsisuni allatsimit allanneqartassapput.

Imm. 2. Ilaasortap kialluunniit allatut isumaqarnini imaqarniliamut naatsumik allanneqarnissaa piumasarisinnaavaa.

Imm. 3. Aalajangiinerit pillugit imaqarnialiaq ataatsimiinnerup naammassineqannginnerani ilaasortanit ataatsimiinnermi peqataasimasunit atsiorneqassaaq. Ilaasortalli taasinertik innersuussutigalugu imaluunniit allatut pissuteqarlutik aalajangiinerit pillugit imaqarniliamut atsioriumanngissinnaanngillat.

Imaqarnialiaq nunaqarfinni aqutsisuni ilaasortanut, sinniisussanut aamma Borgmesterip allattoqarfianut nassiunneqassapput.

§ 16. Suleriaasissami aalajangersakkanik paasinninneq pillugu nunaqarfinni aqutsisuni siulittaasup aalajangiinera ilaasortap kialluunniit malikkallartussaataavaa. Nassuiaanermulli tunngatillugu apeqqu kommunalbestyrelsip tullissaanik ataatsimiinnissaanut saqqummiunneqarsinnaavoq, tassanngaanniillu aalajangiisoqassaaq.

Allaffissorneq paasissutissiisussaataanerlu

§ 17. Borgmesterip allatseqarfia nunaqarfinnut aqutsisunut allaffissornermik ikiuuttussaavoq.

Imm. 2. Nunaqarfinnut aqutsisunut suliassanik saqqummiussassanik allaffimmiut suliaqartussaataapput aamma nunaqarfinni aqutsisuni ilaasortanit siunnersuuteqartoqartillugu



suliassamik saqqummiussassamik suliqaqtussaapput. Nunaqarfinni aqutsisut ataatsimiinnissaannut piareersarnissamut, ataatsimiinnissaannut aamma malinnaatitsinissamut allaffimmiut ikiutissapput.

§ 18. Nunaqarfinni aqutsisut ataatsimiinnerisa kinguningua nunaqarfinni aqutsisuni siulittaasup suliassat ammasumik aamma matoqqasumik ataatsimiinnerni oqaluuserineqarsimasunik imaqaarniliap assilineqarneranik borgmesterimut nassiussissaaq.

§ 19. Nunaqarfinni aqutsisut aprilimi ukiumut aggersumut missingersuutissatut siunnersuutiniq nassiussissapput, nunaqarfinni sanaartornermut ingerlatsinermullu tunngasunik. Tamatuma kingorna siunnersuutit ataatsimiititani ataavartuni ukiumut tulluuttumut missingersuutissatut siunnersuutiniq pingaarnersiunerannut ilanngunneqassapput. Ukiumut aggersumut missingersuutit akuerineqareerpata siunnersuutit sorliit missingersuutiniq ilanngunneqarsimanersut aamma nunaqarfinnut aningaasaliissutit qanoq amerlatiginersut pillugit nunaqarfinni aqutsisut ilisimatinneqassapput. Ukiumi pineqartumi nunaqarfinnut aningaasaliissutini aningaasat atorneqanngitsoortut ukiumut tullermut aningaasaliissutiniq ilanngunneqassapput.

Imm. 2. Nunaqarfinni aqutsisut decembarip qaammataani nunaqarfinnut aningaasaliissutissat atugassissutigineqartussat tunngaviumik killissaannik Aningaasaqarnermut ataatsimiititamat akuerineqartussanngorlugit nassitsissapput. Aningaasaliissutit ilaat ikittut kingusinnerusukkut piviusunngortitsnissanut atugassiissutigineqarsinnaapput.

Imm. 3. Nunaqarfinni aqutsisut minnerpaaffittut qaammammut ataasiarlutik nunaqarfinnut aningaasaliissutit atorneqarnerannut, uppernarsaatiniq, tassunga ilanngullugit akiligassat, aningaaseriviit karsilu pillugit ilanngussat, nassiussisassapput.

Imm. 4. Nunaqarfinni aqutsisuni ilaasortat Kommunalbestyrelsip ataatsimiinnerini ammasuni malinnaasinnaapput, aammalu Kommunalbestyrelsip ataatsimiititallu ataavartut sulinerat malinnaaffigisinnaallugu imaqaarniliat www.sermersooq.gl aqutugalugu ilanngunneqartartut aqutugalugit.

§ 20. Kommunalbestyrelse kommunip aningaasaataanik aqutsinermik nakkutilliissaaq.

Aningaasaliinerit

§ 21. Ukiumut missingersuutissanik kommunalbestyrelsip akuersissuteqarnerani kommunimi inoqarfinni tamani ingerlatsinernut sanaartornernullu aningaasartuutit tamarmik immikkoortinneqassapput pingaarnersiorneqarlutillu. Tamanna ilutugalugu kommunalbestyrelse nunaqarfinnut aningaasaliissutiniq immikkoortitsissaaq.

Imm. 2. Nunaqarfinni aqutsisut ataatsimiinnerannut, sulisillutik angalanerannut, tassunga ilanngullugit unnuinernut, ullormusianut il.il. aamma nunaqarfinni aqutsisuni ilaasortat KANUNUPE-mut ilaasortaannermut akiliutaannut aningaasartuutit kommunip nalinginnaasumik missingersuutaanit akilerneqassapput.

Atuutilerfia

§ 22. Suleriaasissat uku 2017-mi maajip ulluisa 2-ani atuuttussanngortinneqarput.



Taamaalillutik kommunalbestyrelsimit akuersissutigineqarput ulloq maajip ulluisa 2-ani 2017

Nuuk, ulloq: Maajip ulluisa sisamaat 2017


Aasi Chemnitz Narup
Borgmesteri